




Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1134 8°









Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1134 8°





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1134 8°



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 1134 8°



# CONCIO PRIMÆ

Diei.

Osee 4.



*Vdite Verbum DOMI-*  
NI, filij israel, quoniam  
DOMINVS litem in-  
tendet habitatoribus ter-  
ræ.

Non veritas, non bene-  
ficientia, non Dei cogni-  
tio est in terra, sed periuria, mendacium,  
cædes, furtum, adulterium inundauerunt, &  
sanguines attingunt sanguines.

Propterea lugebit terra, & excinden-  
tur omnes habitatores eius, vnà cum bestijs  
agri, & volatilibus cœli, quin  
& pisces maris deficient.



A 2

EX

LN 1131

M



## EXORDIUM.



**N**gens & deploranda plurimo-  
rum hodie obstinatio est, qui etsi  
vident plurima, eaq; manife-  
stissima, iræ Diuinæ signa: ta-  
men veluti cæcutientes, ea contu-  
maciter aspernantur. Ardet bellis totus fere  
orbis Christianus: neq; bellis tantum, verum  
etiam seditionibus, in quibus grassatur omne  
genus malorum ac scelerum. Res ipsa docet,  
Papam, iuratum Christi hostem, cum suis  
complicibus, Regibus & principibus potentissi-  
mis, in Ecclesiæ filij Dei internecionem planè  
coniurasse, ita pluribus nunc annis, extrema  
& inaudita crudelitas, passim exercetur in  
eos, qui puriorem Euangelij doctrinam am-  
plexi sunt. Euertuntur regna, prouinciæ, ci-  
uitates, quas etiam nostra ætate, vidimus flo-  
rentissimas: & omnino apparet, non antea  
eos arma deposituros, nisi Deus eorum furores  
potenter represserit, quam Ecclesiis, quæ à  
Papa secessionem fecerunt, funditus deletis,  
veraq; Euangelij luce extincta, pontificias te-  
nebras, rursus in Ecclesiam introduxerint.  
Ad hæc ingentia mala, non iam procul à  
nobis, sed prope nos, & ante fores existen-  
tia,

tie  
etia  
gna  
tue  
run  
mo  
eua  
cui  
tat  
tur  
  
ma  
ira  
in  
ri  
luc  
ma  
del  
ge  
ma  
uin  
rit  
ma  
ser  
  
cle  
sta



rimo-  
ui et  
nife-  
: ta-  
ontu-  
ferè  
erum  
omne  
ocet,  
suis  
itissi-  
planè  
rema  
r in  
am-  
, ci-  
flo-  
ntea  
rores  
uæ à  
etis,  
s te-  
rint.  
cul à  
isten-  
tia,  
tia, nostrisq; cervicibus imminetia, accedunt  
etiam alia haud leuiora, fames, pestis, ma-  
gna ubiq; rerum caritas, & maior fortè me-  
tuenda: Obitus multarum illustrium persona-  
rum, ex Regia familia, quæ unius prope-  
modum anni spatio, à Deo ex hac vita sunt  
euocatæ: indicium, sine dubio, maioris ali-  
cuius mali, quod Deus clementer tamen auer-  
tat, nobis, propter peccata nostra, nisi ma-  
ture resipiscamus, impendentis.

Hæc & id genus alia, innumera penè  
mala, etsi aperte testantur, seuerissimam Dei  
iram, etiam aduersus nos, accensam esse, nosq;  
in extremis periculis & difficultatibus versa-  
ri: tamen pleriq; securi interim stertimus,  
ludimus, deliciamur, neq; mouemur luctuosissi-  
ma aliorum calamitate, sed quasi omni metu  
defuncti, vicijs & cupiditatibus nostris indul-  
gemus, ac furenter, peccata peccatis cumula-  
mus: tantum abest, ut vel iustissimæ iræ Di-  
uinæ, vel tristissimorum malorum metu ter-  
riti, verè nos pœnitentia, ad Deum conuerta-  
mus, præsentis atq; imminentes calamitates  
serio deprecaturi.

Merito igitur laudandus est, Rex noster  
clementissimus, qui intuens præsentem rerum  
statum, verè afficitur tam tristi Ecclesiæ, &  
multa.



multorum piorum calamitate: Et quæ singularis eius est pietas, agnoscit non leuiore pœnas, hisce regnis imminere, nisi Deus, serio inuocatus, propter Filium, clementer eas auerterit.

Ordinavit igitur eius Maiestas, tres hosce solennes precationum dies, ut per uniuersum Regnum, conuocata Ecclesia, pro præsentibus atq; imminetibus malis, clementer a nobis tollendis, serio & ardentè, ad Deum preces fiant. Quare decet, ut ad tantum ac serium, optimi & piissimi Regis nostri mandatum, excitati, omni excusso veterano, omnibusq; auocamentis sepositis, tribus hisce diebus, ad preces nostras, serio & ardentè, ad Deum faciendas, frequentes conueniamus.

Filius Dei, Dominus noster Iesus Christus, qui sedet ad dexteram Patris, interpellans pro nobis, accendat in nobis, Spiritum illum gratiæ & precum, ut agnita iustissima ira Dei, nostraq; miseria, & multiplicibus periculis, quibus undiq; cincti sumus, omni animi subiectione ac humilitate, ad Deum, tanquam ad tutissimum asylum, precibus nostris confugiamus, nihil dubitantes, quin per ac propter Filium suum unigenitum, in cuius nomi-

non  
dis  
nos

cit

uia

1.

Di

2.

sce

3.

cia



ingua-  
pae-  
ferio  
cas  
tres  
uni-  
pro  
en-  
ad  
am  
no-  
er-  
us  
ir-  
m-  
ri-  
el-  
m  
na  
e-  
i-  
n-  
is  
ac  
us  
i-

nomine, preces nostras suppliciter. verūq; cor-  
dis gemitibus, coram eo fundimus, clementer  
nos sit exauditurus.

Nunc ad Prophetæ concionem suprâ re-  
citata, accedamus, quam in tres partes di-  
uidemus.

1. Continet seriam denunciationem iræ  
Diuinæ aduersus Israelitas.
2. Enumerationem habet grauissimorum  
scelerum eius populi.
3. Ostendit atrocissimas pœnas, tam atre-  
cia scelera secuturas.

DE



# DE PRIMA

## Parte.

Audite Verbum Domini Filij  
Israel, quoniam Dominus litem in-  
tendet habitatoribus terræ.

*Hæc est prima huius Concionis pars, in  
qua Propbeta, serio iram Dei Israelitis de-  
nunciat.*

*Apparet autem magnam fuisse Israë-  
litarum contumaciam, qui spretis omnibus  
Diuinis comminationibus, securè peccatis suis  
indulgebant: Ideo initio eos, veluti alto som-  
no sopitos, excitare studet: Audite, inqui-  
ens, Filij Israel, quasi dicat: Satis iam satis,  
peccatis vestris securè indormistis: satis su-  
perq; aures vestras, ad omnes conciones, clau-  
sas tenuistis: Nunc verò tempus est, ut è  
somno exciti, aures vestras, ad audiendum  
quæ dicturus sum aperiatis. Vt autem eos at-  
tentiores reddat, maioremq; ijs quæ dicturus  
erat, authoritatem conciliet, non suum, sed  
Domini verbum, quod Prophetis familiare est,  
se ellaturum dicit. Postremò, ostendit quod-  
nam illud verbum Domini sit: nimirum, quod  
non velit iam ampliùs Dominus ad eorum sce-  
lera conuiuere, sed præsentem litem illis in-  
tendere.*

*Hæc*



*Hæc seria & grauis est commonefactio  
de ira Dei, quam Propheta, non ex se, sed ex  
Dei iussu, Israëlitis denunciat.*

*Cogitemus autem eandem commonefa-  
ctionem, ad nos quoq; pertinere, qui non mi-  
nus quam Israelitæ, peccata peccatis indies cu-  
mulamus: Cumq; non desint, p̃i verbi mini-  
stri, qui tanquam Dei legati, etiam hodie,  
vicia & peccata nostra, grauiter taxent, si-  
mulq; serio nos commonefaciant, de iustissima  
ira Dei, nobis propter peccata imminente, ne  
obturemus aures nostras, ad verbum Dei: sed  
excitemus nos, ad audiendum Deum, per mi-  
nistros suos, nobis loquentem, neq; surda aure,  
tam seriam Dei commonefactionem excipia-  
mus, quod alioqui, maior pars hominum, prob  
dolor, facere solet, quæ secura, omnes pias  
ac salutes commonefactiones, veluti aniles  
fabulas, ridet ac sceleratè contemnit. Quia  
potius cogitemus, non hominis, sed Dei vo-  
cem esse, quam verbi minister sonat, ideoq;  
non aliter eum, è suggestu docentem, quam  
Deum ipsum, è cælis nobis loquentem audien-  
dum, iuxta illud Christi, Luc. 10. Qui vos  
audit, me audit: & qui vos spernit, me sper-  
nit.*

*Audimus nanc grauissimam banc com-  
mone-*

*Hæc*



monestationem, de ira Dei, aduersus nos usq[ue]  
adeo accensa, ut iam in iudicio nobiscum con-  
tendere Deus velit. Hac tam seria admoni-  
tione, veluti fulmine cœlesti perterriti, cogi-  
temus quàm planè nobiscum actum sit, si co-  
ram iustissimo Dei tribunali, nobis sit com-  
parendum.

Agnoscamus nostram miseriam, &  
multiplicia peccata, quibus iustissimam iram  
Dei, aduersus nos excitauimus: nec esse ali-  
quam nostram iusticiam, quâ coram tribunali  
Dei consistere possumus: Idecq[ue] nos humi-  
licimus, sub potenti manu Dei, & abiecta  
omni nostræ dignitatis fiducia, verâ animi  
humiliatione, coram facie eius nos prosterna-  
mus, sæpè, veris cordis gemitibus, inti-  
misq[ue] suspirijs, hanc cum Dauide precationem  
repetentes: Domine ne intres in iudicium  
cum seruo tuo, quia non iustificabitur in con-  
spectu tuo, omnis viuens. Psal. 143. Et,  
Si iniquitates obseraueris Domine, Domine  
quis consistet? Psal. 130.

DE

tic  
lo  
mi  
ler  
  
syn  
stan  
tia  
  
dia.  
te  
faci  
secu  
ruu



## DE SECUNDA

### Parte.

Non veritas, non beneficentia,  
non Dei cognitio est in terra: Sed  
periuria, mendacium, cædes, fur-  
tum, adulterium inundauerunt, &  
sanguines attingunt sanguines.

*Hæc est altera pars concionis Prophe-  
ticæ, in qua causam indicat, cur Deus popu-  
lo Israelitico, litem intendere constituerit, ni-  
mirum multiplicia istius populi peccata ac sce-  
lera.*

Non est, inquit, veritas in  
terra.

*Nulla est animorum integritas, nulla  
sinceritas, nulla in promissis, fides aut con-  
stantia, nulla mentis & orationis convenien-  
tia.*

Nulla beneficentia.

*Nullus mutuus fauor, nulla misericor-  
dia. Hisce autem duabus virtutibus, verita-  
te scilicet & beneficentia, è medio sublatis,  
facile etiam, reliquæ virtutes omnes, quæ in  
secunda tabula Decalogi exiguntur, cor-  
ruunt.*

Non



Non Dei cognitio est  
in terra.

*Hoc est, Nullus in hominibus cernitur  
verus Dei timor. Nam hic nascitur ex noti-  
tia Dei: Ideoq; frustra, de Dei notitia glo-  
riantur, quorum tota vita, testatur eos om-  
nem verum Dei timorem abiicisse.*

*Atq; hæc, tria illa sunt præcipua, quæ  
in populo Israelitico, Propheta desiderat, ve-  
ritas nimirum, beneficentia & Dei cognitio:  
Nunc è diuerso, teterrima vicia, in isto po-  
pulo grassantia, enumerat.*

*Sed, inquit, periuria, mendaci-  
um, cædes, furtum, adulterium,  
inundauerunt.*

*Hæc sunt maxima & horrenda scelera,  
quibus Israelitæ, iram Dei, aduersus se pro-  
uocarunt, adeò, ut tandem litem ijs intendere  
voluerit. Quam autem nostræ ætatis homi-  
num mores, eorum similes sint, res ipsa, prob-  
dolor, loquitur. Vbi enim veritas? ubi bene-  
ficentia? ubi verus Dei timor? Quid autem  
nunc vsitatus, quam iurare, execrari, quod  
apud nos, pueri, prius penè discunt, quam lo-  
qui nòrunt, mentiri, dolis ac fraudibus inui-  
sam circumuenire, quod etiam ingenij laudem  
habet.*



babet, occidere, adulterari! Hæc ita nunc sunt familiaria, ut propemodum in mores abysse ac pro virtutibus haberi videantur. Quod autem addit Propheta:

Et sanguines attingunt  
sanguines.

Significat non solum cædes, fuisse in isto populo frequentissimas, ita ut una aliam exciperet: Sed grauissima quæq; scelera, ijs fuisse familiarissima, ita ut ubiq; obuersaretur horribilis facies scelerum, quod, quam verè ad nostra hæc tempora quadret, quotidiana experientia notum est.

Cum autem Propheta, hanc concionem ad totum populum Israeliticum, non ad aliquam duntaxat eius partem habuerit, cogitemus etiam omnibus nobis, eandem hodie proponi, qui in iisdem, cum ipsis, sceleribus hæremus, ne quis ex hoc numero, ad quos hæc concio pertinet, sese eximat. Neq; enim hic, homicidij, furti, adulterij tantum insimulantur, quales hodie ad furcas & alia supplicia trahuntur: sed etiam, qui dignitate & opibus, præ alijs sunt conspicui, quemadmodum exclamat Esaias cap. 1. Principes tui sunt latrones, & socij furum.

Sed



Sed quæ tandem pœna eos manet, qui  
omni timore Dei deposito, in quauis scelera  
sefe furenter prouoluunt? Eam demonstrat  
Propheta, in tertia parte, quæ nunc breui-  
ter explicanda restat.

## DE TERTIA

Parte.

Propterea lugebit terra, & ex-  
cidentur omnes habitatores eius,  
vnâ cum bestijs agri, & volucri-  
bus cœli, quia & pisces maris de-  
ficient.

Hæc est tristissima & grauißima pœ-  
na, quam Propheta Israelitis, propter gra-  
uißima eorum scelera, denunciat: & Hiero-  
nymus, hunc locum enarrans, refert hanc  
pœnam, accidisse populo Israelitico, quando  
decem tribubus, in captiuitatem abductis, &  
habitatore sublato, bestię quocq; & volucres  
cœli, & pisces maris deficerent, iramq; Do-  
mini, etiam muta elementa sentirent: Cum  
autem de similibus, sani homines eodem modo  
iudicent, faciles coniecturæ ex ijs, quæ olim  
acciderunt, de horum temporum peccatis &  
pœnis sumi possunt. Necesse autem est nos fa-  
teri, non solum iam antea enumerata scelera,  
verum

secu-  
iam  
aute  
edo-  
uert  
dem  
ter



qui  
lera  
rat  
cui-

9

Si has iustissima ira Diuina pœnas,  
securi contempserimus, metuendus certè, et-  
iam nobis erit, finalis tandem interitus: Sin  
autem non alieno solùm, sed & proprio malo  
edocti, seria nos pœnitentia, ad Deum con-  
uerterimus, ostendet se Deus nobis misericor-  
dem, qui commeritas pœnas à nobis clemen-  
ter auertet, nosq; omni benedictionum genere  
affatim cumulabit, quemadmodum se-  
quente concione, Deo volente,  
audiemus.

B

CON-



2.  
CONCIO SECUNDAE  
Dici.

Osee 14.



Euastabitur Samaria, quoniam rebellauit D E O suo. Per gladium cadent, paruuli eorum allidentur, & pręgnantes eins discinduntur.

Conuertere Israel ad DOMINVM Deum tuum, quoniam corruisti propter iniquitatem tuam. Accipite vobiscum verba, & conuertimini ad DOMINVM, & dicite ad eum: Omnem aufer iniquitatem, & benefac nobis, & reddemus vitulos labiorum nostrorum, Assur non saluabit nos, super equum non ascendemus, neq; dicemus vltra operibus manuum nostrarum: Dii nostri. Quia per te, misericordiam consequitur pupillus.

Sanabo auersionem eorum, Diligam eos mea sponte, quoniam furor meus auersus est ab eo. Ero Israel tanquam ros, & florebit tanquam rosa: Figet radices suas sicut Libanus: Diffundentur rami eius, & erit sicut olea pulchritudo eius, & odor eius sicut Libani: Qui sub vmbra eius sedent recreabuntur: Alentur frumento, & sicut  
Vitis

Vitis  
Liban



denun  
us den  
maria  
pertin  
propi  
tem  
sus d  
miser  
tatur  
plissin  
serico  
ad eu  
hanc

1.  
2.  
3.  
pœnit  
tur.



10  
Vitis floreunt : Memoriale eius sicut vinum  
Libani.

## ENARRATIO.



*A*duimus heri seuerissimam  
Osee concionem, quæ Israeli-  
tis, propter multiplicia eo-  
rum scelera, instissimam Dei  
iram, & grauissimas pœnas  
denunciat. Nec est priori dissimilis, hæc ei-  
usdem Prophetæ concio, in cuius initio, Sa-  
maria ac toti regno, propter istius populi  
pertinacem contumaciam aduersus Deum,  
propinquum exitium instare prædicit. Ne au-  
tem ad tam grauem comminationem, pror-  
sus desperent, quasi nullus iam amplius locus  
misericordiæ, apud Deum relictus sit, bor-  
tatur eos ad seriam pœnitentiam, additis am-  
plissimis promissionibus, de singulari Dei mi-  
sericordia, erga eos, qui verâ pœnitentia,  
ad eum confugiunt. Diuidamus igitur &  
hanc concionem in tres partes.

1. Est grauissima comminatio.
2. Seria exhortatio ad pœnitentiam.
3. Amplissimæ promissiones, quibus verè  
pœnitentibus, gratuita Dei misericordia offer-  
tur.

B 2

DE



# DE PRIMA

## Parte.

Deuastabitur Samaria, quoniam rebellauit Deo suo, per gladium cadent, paruuli eorum allidentur, & pragnantes eorum discidentur.

*Grauißima est hæc comminatio, in qua Propheta primùm denunciat Israelitis, pœnam ipsis impendentem: Deinde pœnæ causam ostendit.*

*Quod pœnam attinet, ea certè est, quæ nulla alia, cogitari potest atrocior, videlicet Samariæ & totius regionis extremus interitus, qui etiam post secutus est, annis plus minus quinquaginta, quando Salmanassar, Rex Assyriorum, Samariam, quæ metropolis erat regni, triennio obsessam, expugnauit, regemq; Osee uinctum in carcerem coniecit, ac decem tribus Israel, in Assyriam captiuos abduxit, quemadmodum testatur historia, quæ recitatur 2. Reg. 17. & 18.*

*Vt autem, hæc tam grauis comminatio, altiùs eorum animis insideat, magisq; ea terreantur, tam profani verbi Dei contemptores, exaggerat eam Propheta, ab hostium crudelitate, qui nulli, neq; ætati, neq; sexui, par-*  
suri



suri essent. Q. D. Non satis erit, ciues Sa-  
mariae, & incolas totius regionis, ab hostibus  
misere trucidari: Sed, quod dictu est horribi-  
le, etiam paruuli eorum allidentur, & prae-  
gnantes discidentur. Quanta autem miseria  
fuerit, parentes intueri paruulos suos, in  
cunis adhuc vagientes, & a matris uberibus  
pendentes, saxo & parietibus illidi: graui-  
das mulieres, gladijs discindi, & saetus ex  
earum visceribus trahi: ac tandem post trien-  
nii obstinationem, tantam multitudinem homi-  
num, proprijs sedibus & fundis eiectam, in  
peregrinum regnum transferri, nemo nisi ex-  
pertus, facile crediderit, imò ne cogitarit qui-  
dem mens pia tantam calamitatem, quin maxi-  
me cohorrescat.

Causam autem tam tristis euerfionis re-  
gni Israelitici, assignat Propheta, inquiring:  
Quoniam rebellauit Deo suo. Non igitur  
accusabunt Deum iniusticiae, quasi nimis gra-  
ues poenas, ab ipsis exigeret: Sed cogitabunt se  
iustas suae rebellionis poenas luere, qui Suum  
Deum, qui scilicet eos, in peculiarem popu-  
lum sibi delegerat, certoq; foedere sibi obstrinxe-  
rat, tam scelesti sua obstinatione, in se conci-  
tarant.

Moueat igitur nos, haec tam tristis pae-  
na Isra-

B 3



na Israelitarum, ut seriò cogitemus, quam  
grauis & horrenda res sit peccatum, quod  
non solum in adultis, verum etiam in pueru-  
lis, tanta seueritate Deus punit. Si enim in-  
fantuli, & qui hanc lucem nondum aspexe-  
runt, tam horribiliter puniuntur, quid fiet  
adultis? quid fiet senibus, qui tota vita, non  
desliterunt vindictam Dei in se prouocare?

Viderunt plurimi, proximis annis, &  
adhuc, proh dolor, vident, tam horrenda spe-  
tacula, in Gallia, Belgio, & alibi passim:  
Et fuerunt eiusdem crudelitatis spectatores,  
multi in Schania, durante bello Suetico: In-  
terim tamen nos, nullis neq; comminationibus,  
neq; poenis Diuinis emendati, seriò ad Deum  
conuertimur, quin magis corda nostra obdu-  
rescere, & quasi callum obducere videntur,  
adeò ut verissimè in nos quadret, illud Ierem.  
s. Domine, tu percutis eos, sed ipsi non sen-  
tiunt dolorem: affligis eos, sed non emendan-  
tur: duriores saxi sunt facies eorum, & no-  
lunt conuerti.

Pudeat igitur nos tandem, tam scelestæ  
nostre obstinationis, & moti præsentibus  
& imminentibus periculis, cogitemus seuerissi-  
mam illam Christi comminationem, Lucae 13.

etiam.



etiam ad nos pertinere: Nisi pœnitentiam ege-  
ritis, Omnes similiter peribitis. Nam & mul-  
tudo nostrorum peccatorum, & magnitudo  
periculatorum, quibus undiq; cingimur, testan-  
tur Deum, gladium suum aduersus nos vi-  
brasse, arcum suum tetendisse, telaq; sua &  
sagittas parauisse, quas iam iam, in nos era-  
culabitur, nisi ad eum conuersi fuerimus,  
quemadmodum grauius minatur Dauid Psal.  
2. Hæc autem conuersio, quomodo fieri de-  
beat, in sequente parte, Propheta  
perspicue docet.

B 4

DE



## DE SECVNDA

### Parte.

Conuertere Israel ad Dominum  
Deum tuum &c.

*Magna est diuina clementia & bonitas, qua miseros peccatores grauissimis sceleribus deformatos, tam benigne suffert. Cum enim iustissimo suo iudicio, posset peccantibus præsentēs pœnas irrogare: tamen non subito effundit furorē iræ suæ, sed differt pœnas, & homines, ad seriā pœnitentiā, blandissimè inuitat, non volens mortem peccatoris, sed ut conuertatur & uiuat, quemadmodum non solum plurima sacræ scripturæ testimonia, verum etiam exemplum Niniuitarum, & narratio de ficu, Lucæ 13. euidenter testantur.*

*Eodem modo, etiam in hac concione, facit Propheta, qui grauissimæ comminationi, amicam exhortationem ad pœnitentiā subiungit, ne Israelitæ, propter peccatorum ac iræ Diuinæ magnitudinem desperent, & a Deo prorsus deficiant: Sed ut agnita cū propria miseria, tū gratuita Dei misericordia, verā ac seriā pœnitentiā, se ad Deum conuertant.*

*Cum igitur dicit: Conuertere Israel ad Dominum Deum tuum. Primò, ostendit miser-*



*miserrimam esse hominis peccatoris conditio-  
nem, qui quam diu perseuerat in peccatis, ma-  
gis magisque a Deo recedit, & propinquior fit  
Diabolo, quo nihil de misero peccatore cogi-  
tari potest tristius. Deinde docet veram ac  
salutarem pœnitentiam, nihil aliud esse, quam  
conuersionem ad Deum, ut a quo hactenus,  
Israelitæ, peccatis suis indulgendo, se auerte-  
rant, ad eundem nunc, peccatis renunciando,  
se se conuertant. Postremò, particula, Tuum,  
spem facit populo Israelitico misericordiæ con-  
sequendæ, quasi dicat: Ne metuas ad Deum  
reuerti, tanquam implacabilem, sed cogita il-  
lum esse Tuum Deum, qui te populum sibi ele-  
git, ideoque singulari fauore & beneuolentia te  
complectitur, ne quid de eius misericordia du-  
bites, modò ad eum conuersus fueris. Quo-  
modo autem fiat ista conuersio, deinceps tro-  
pheta exponit.*

*Ac primò docet, in vera conuersione,  
requiri seriam peccati agnitionem, ideo repe-  
tit hic causam tantarum calamitatum, dum  
inquit: Quoniam corruisti propter iniquita-  
tem tuam: Vult enim Israelitas excitare,  
ut agnoscant malum suum, peccatum videli-  
cet, ut eo agnito, discant ad Deum, tanquam  
præsentem ac unicū opitulatorem confugere:*

*B*

*S*

*Idio.*



Ideo subiungit: Accipite vobiscum verba, & conuertimini ad DOMINUM. *2. D.* Ne securè contemnatis, hanc tam grauem comminationem, ac salutarem exhortationem ad pœnitentiam: Nec sinite hæc verba, quæ iussu Dei vobis loquor, in ventos abire: sed agnoscite, & Dei iusticiam in puniendis peccatis & multiplicem vestram iniquitatem, propter quam ita grauer corruistis, ut nisi benigna Dei manu erectis, nulla prorsus vobis sit resurgendi spes. Quàm diu autem homo, non seriò agnoscit peccatum, neq; tangitur vero sensu peccati, nunquam cogitat ad Deum reuertì, sed pergit peccata peccatis furenter cumulare, donec tandem in extremum exitium ruat. Deinde ostendit Propheta, fidem necessariam esse in vera conuersione, dum certam precandi formam, quæ vtantur, ipsis præscribit. Neq; enim, nisi vera fide prælucente, eiusmodi precatio, à quoquam fieri potest. Nos singula eius precationis membra, quia singulare pondus habent, sigillatim videbimus.

Omnem aufer iniquitatem.

Hæc est PRIMVM precationis membrum, in quo omnium delictorum veniam petere iubentur, quod tacitè ostendit requiri in homi-



homine verè pœnitente, agnitionem simul & confessionem peccati. Qui enim peccata & quidem Omnia a se auferri petit, is certe agnoscit se, non uno aut altero, aut paucis etiam peccatis grauatum, sed sentit se ingente peccatorum mole oppressum esse: hancq; extremam suam miseriam, non dissimulat, sed aperte coram Deo confitetur, à quo solo, tanti oneris leuationem, certa fide petit, atq; expectat. Necesse est enim in vera agnitione & confessione peccati, prælucere fidem, qua petitur & accipitur remissio peccatorum. Nam sine fide, inutilis est, seu agnitio, seu confessio peccati, sicuti testantur tristissima exempla Saulis, 1. Sam. 15. Iudæ & aliorum. Vera autem agnitio & confessio peccati, cum vera fide coniuncta, cernitur in Dauide, qui à Nathane, grauius de adulterio & homicidio accusatus, inquit: Peccaui Domino, moxq; audiuit lætissimam absolutionem à Propheta: Dominus transtulit peccatum tuum. 2. Sam. 12. Hanc confessionem repetit Dauid, Psal. 32. Dixi, confitebor transgressionem meam Domino, & tu remisisti impietatem peccati mei. Quàm Diu autem dissimulantur aut reticentur peccata, ingens dolor & tristitia oritur in animis hominum, sicuti dicitur in eodem Psalmo:  
Quo-



Quoniam tacui, contabuerunt ossa mea, dux  
ruginem tota die. Sequitur in precatone:

Et benefac nobis.

**SECUNDUM** precatonis mem-  
brum, quo bona corporalia petuntur, **Q. D.**  
Domine, primum recipe nos in gratiam: De-  
inde re ipsa testare, te nobis esse propitium,  
nempe externis beneficijs. Neque enim simplici-  
ter Deus recipit nos in gratiam, sed re ipsa  
etiam ostendit, non frustra se reconciliatum  
nobis esse, dum omni nos benedictionum genere  
cumulet. Sequitur præterea:

Et reddemus vitulos labio-  
rum nostrorum.

**TERTIUM** precatonis membrum,  
quod requirit gratitudinem erga Deum, pro  
acceptis beneficijs. Vitulos enim labiorum vo-  
cat Propheta laudes, quas Deus à nobis requi-  
rit, quasi præcipuum sacrificium, quo ipse de-  
lectatur, veluti Psal. 50. Immola Deo sacri-  
ficiu laudis. Vult enim Deus agnosci et præ-  
dicari sua beneficia, quemadmodum in eodem  
Psalmò præcipit: Inuoca me in die tribulatio-  
nis, eripiam te, et honorificabis me. Ad  
hoc sacrificiu laudis, Deo reddendum, omnes  
p̃y cum.



pij cum Dauide obligantur, Psal. 69. Lauda-  
bo nomen Dei cantico, magnificabo eum laudi-  
bus, & placebit Deo magis quam taurus aut  
iuuencus, qui cornua producit & ungulas.  
Item Psal. 116. Tibi sacrificabo hostiam lau-  
dis, & nomen Domini inuocabo. Additur  
deinceps in precatone:

Affur non saluabit nos, super  
equum non ascendemus, neq; dice-  
mus vltra operibus manuum no-  
strarum: Dñi nostri.

QVARTVM precatonis membrum,  
admonet de noua obedientia, quæ in vera ac  
salutari pœnitentia necessario requiritur. No-  
tantur autem hic duo grauissima Israelitarum  
peccata, quibus se in posterum renunciaturos  
promittunt, Peruersa videlicet fiducia huma-  
narum virum, & horrenda Idololatria.  
Affur non saluabit nos. Hoc est, posthac non  
sperabimus in Assyrijs, nec in equis, seu, non  
confidemus potentia Assyriorum, & appara-  
tu bellico, quemadmodum hætenus fecimus,  
sed tibi soli adhærebimus. Nam qui neglecto  
vero Deo, spem suam & fiduciam collocant in  
humanis præsijs, honorem soli creatori debi-  
tum, in creaturam impiè transferunt, quibus  
extremam maledictionem Hieremias denunciat,  
cap.



cap. 17. Maledictus homo, qui confidit in homine, & ponit carnem brachium suum, & à Domino recedit cor eius: Contra verò, beatum, hoc est, Deo gratum & acceptum pronunciat, qui confidit in Domino, & cuius fiducia est Dominus. Et multorum exempla testantur, quantopere displiceant Deo, fœdera cum impijs inita, veluti Ase, qui contra Baasa, regem Israël pugnaturus, fœdus inijt cum Benadab, rege Syriæ, 2. Paral. 16. Item confœderatio Iosaphat cum Ochozia, impio rege Israël, 2. Paral. 20. Velle autem Deum sibi soli ascribi omnem laudem victoriarum in bellis, testatur gloriosissima illa victoria Cedeonis, quæ recitatur, Iud. 7. Quàm malè etiam cesserit Dauidi, illa populi numeratio, ostendit 2. Sam. ultimum caput.

Discamus igitur, acquiescendum esse, in solius Dei præsidio, & fugiendam esse, impiam fiduciam humanarum virium, quæ fallax est & ficulnea, sicuti dicitur, Psal. 20. Hi in curribus, hi in equis nos autem in nomine Dei nostri pugnabimus. Et Psal. 33. Non saluatur Rex, per multam virtutem, Gigas non saluabitur in multitudine virtutis suæ: Fallax equus ad salutem, in abundantia autem virtutis suæ non saluabitur.

Alte-



bo-  
r à  
ea-  
ro-  
fi-  
te-  
era  
aa-  
um  
on-  
ege  
sibi  
bel-  
eo-  
am  
dit  
in  
m-  
al-  
o.  
ni-  
lon  
as  
æ:  
em  
te-

Alterum peccatum, quod Propheta  
vult Israelitas deprecari, est Idololatria, per  
quam intelligit, non solum cultum, qui exhi-  
betur Dīs ficticijs, sed etiam quamvis impiam  
fiduciam, quā creatura creatori praefertur.  
Etsi autem nostri homines, hoc peccatum mini-  
mè agnoscunt, tamen eius quoq; se reos esse te-  
stantur ij, qui ad opes & diuitias cumulan-  
das, vel quasq; res alias, faelicius conficien-  
das, illicitis & prohibitis medijs vtuntur. Se-  
quitur ultima particula precationis.

Quia per te, misericordiam con-  
sequitur pupillus.

QVINTVM precationis membrum,  
monet pœnitentes, vt veram animi humilita-  
tem ad Deum adferant: Ideo præcipit Israeli-  
tis, vt omni humilitate sese coram Deo abij-  
ciant, agnoscentes se, veluti orphanos, omni  
ope & auxilio humano destitutos, a solius Dei  
misericordia pendere. Huic orphanorum nu-  
mero, nos quoq; adiungamus, & seposita om-  
ni humana fiducia, ad Dominum confugiamus,  
nec quicquam dubitemus, quin nobis orphanis  
verè adiutor sit futurus, Psal. 10. Tibi dere-  
lictus est pauper, orphano tu eris adiutor.

Sed



*Sed arduum est & difficile, hominem peccatorem, posse immensam hanc Dei misericordiam, certa & indubitata spe atq; fiducia apprehendere: Ideo audiendæ sunt dulcissimæ promissiones, quibus in sequente parte, Propheta miserum peccatorem, sensu iræ Dei & peccatorum oppressum, veluti manu porrecta erigit, eiq; paratissimum remedium, in Dei misericordia propositum monstrat.*

## *DE TERTIA*

*Parte.*

*Sanabo auersionem eorum, diligam eos mea sponte, &c.*

*Hæ sunt dulcissimæ promissiones, consolationum plenissimæ, quibus ostendit Propheta Deum paratissimum esse opitulatorem omnibus ijs, qui omnem suam miseriam, in eius sinum effundunt, & ab eius tantum misericordiæ vberibus pendent.*

*Si igitur te terret, peccatorum tuorum multiplex deformitas, quæ veluti putrida vulnera fœtent in conspectu Dei: audi Deum, hic per Prophetam, medicas manus tibi porrigentem: Ego, inquit, sanabo auersionem eorum. Et apud Esaiam. cap. 43. Ego sum, ego sum ipse, qui deleo iniquitatem tuam &c.*

*Ne*



*Ne quis autem, propter suam indigni-  
tatem, hunc medicum formidet, promptam &  
gratuitam ipsis operam offert, inquit,  
Diligam eos mea sponte, hoc est, Non pro-  
pter aliqua ipsorum merita aut dignitatem,  
sed tantum misericordia motus, eos in grati-  
am recipiam. Et ne metuant sibi à furore eius,  
dicit eum auersum esse. Non enim in perpetu-  
um contendet Deus, sed humanis miserijs verè  
afficitur, & furorem suum ab omnibus ijs su-  
bitò auertit, qui seria pœnitentia ad eum con-  
fugiunt, sicuti exemplum Niniuitarum mani-  
festè docet.*

*Et ne quis de amplissimis hisce Dei pro-  
missionibus dubitet, subiicit propheta pulcher-  
rimas similitudines, quibus infallibilis earum  
veritas confirmatur.*

*Ero Israeli tanquam ros & flo-  
rebit sicut rosa.*

*Prima hæc similitudo, à rore sumta, ostendit humanæ naturæ sterilitatem, quæ nisi rore cœlesti, verbo videlicet Dei, per Spiritum Sanctum irrigata fuerit, arida manet, neq; ullos fructus, pœnitentia dignos producit. Quemadmodum verò ros, sata ac herbas recreat: Ita Spiritus S. per verbum Dei, hominum mentes ac corda recreat ac refocillat.*

*C*

*ut iam*



ut iam alacres reddantur, ad veros pœnitentiae fructus proferendos, bona videlicet opera, in vera fide facta, quæ quauis rosa sunt fragrantiora.

Figet radices suas sicut  
Libanus.

Quia rosa, propter radicis debilitatem, citò marcescit, ideo ne p̃ij, in Dei gratiam recepti, cogitent hanc suam fœlicitatem, instar rosæ, citò perituram, addit alteram hanc similitudinem, à radicibus montis Libani desumptam, quâ monstrat, tantam fœlicitatem piorum, stabilem futuram & diuturnam, non secus ac arbores, in monte Libani, propter radices, quas altas agunt sub terram, magis sunt durabiles, nec impetu ventorum facillè deijciuntur.

Magna est hæc consolatio, Ecclesiam, quam Diaboli eorumq; organa, tyranni & omnes imp̃ij, etiam hodie, funditus euertere conantur, quia fundata est in hac petra, qui est Christus, stabilem mansuram & firmam, aduersus quoscunq; hostium insultus. ita ut ne portæ quidem inferorum aduersus eam præualeant, id quod etiam sequentibus similitudinibus Propheta docet.

Diffun-



Diffundentur rami eius, & erit  
sicut olea pulchritudo eius, & odor  
eius sicut Libani.

*Tantum abest, ut Ecclesia, licet maxi-  
mè oppugnatur, prorsus expugnetur, ut et-  
iam maiora indies incrementa sumat, non se-  
cus ac arbor frondosa, ramos suos latè dif-  
fundit.*

*Et quanquam externa facies Ecclesiæ  
in hoc mundo, squalida sit & contempta, cœ-  
tus videlicet exiguus & abiectus, nulla gloria  
aut dignitate conspicuus: tamen coram Deo  
floreat, qui eius decore, non aliter delectatur,  
quàm homines pulchritudine oleæ, aut odore  
montis Libani, in quo nascuntur arbores ma-  
ximè odoriferæ, recreantur.*

Qui sub umbra eius sedent  
recreabuntur.

*Est & hæc dulcis admodum similitudo.  
Quemadmodum enim homines umbra tegun-  
tur ab æstu solis: Ita p̄j, qui in umbra Dei  
sedent, hoc est, qui diuinis consolationibus su-  
stentantur, sentiunt veram recreationem, quæ  
etiam grauissimos periculorum æstus, facilli-  
mè restringunt. De hac umbra loquitur Da-  
uid, Psal. 17. & 57.*

C 2

Alen-



Alentur frumento.

*Promissio est bonorum corporalium, de quibus etiam supra dictum est. Deus enim ornat pios, et spiritualibus et corporalibus bonis, victu et alijs vitæ tolerandæ necessarijs, sicuti dicitur, Esaïæ 1. Si volueritis et audieritis me, bonæ terra comedetis.*

Et sicut vitis florebit.

*Ostendit etiam hæc similitudo, magnam Ecclesiæ fœlicitatem, quæ licet hic ab impijs opprimi videatur, coram Deo tamen floret ut vitis, quæ non solum latissimè sese diffundit, verum etiam fructum gignit suauissimum.*

Memoriale eius sicut vinum Libani.

*Pij in hoc quidem mundo contemnantur, et veluti reiectamenta abijciuntur, imò crudelissimè etiam, ac ignominiosissimè sæpius martantur: interim tamen, sicut vinum Libani, odore est gratissimum, ita memoria piorum, Deo grata est, quam etiam alij conseruabunt, eorum fidem, constantiam, patientiam ac cæteras virtutes prædicando, sicuti dicitur Psal. 112. In memoria æterna erit iustus. De impijs autem loquitur David, Psal. 9. Perdidisti impium, nomen eorum deleuisti in æternum, perijt memoria eorum cum ipsis.*

*Audi.*



*Audiuimus hactenus insignem hanc  
Prophetæ concionem, in qua, grauissimè pri-  
mum, minatur regno Israël, propter varias  
ac multiplices iniquitates: Deinde inuitat Om-  
nes ad seriam pœnitentiam, proposita immensa  
Dei misericordia, quæ Omnes, verâ pœnitentia  
ad se confugientes, in gratiam recipit, fouet,  
conseruat: eosq; spiritualibus, & corporali-  
bus bonis ornat.*

*Simus igitur sapientes, ac prudentes,  
sicuti in fine huius capituli, Propheta grauiter  
monet: Et cogitemus nos, etiam hodie audire  
Deum, per suos ministros, hisce regnis mini-  
tantem: Desolabitur Dania, desolabitur Nor-  
uegia, quia rebellarunt Deo suo, & corru-  
erunt, propter iniquitatem suam. Metuamus  
seuerissimum Dei iudicium, & obtemperemus  
Deo, vocanti nos ad pœnitentiam: neq; despe-  
remus propter multiplicia scelera, quibus iusti-  
ssimam Dei iram, aduersus nos prouocauimus:  
sed ijs seriò renunciemus, nihil dubitantes, quin  
Deus, quæ eius immensa & ineffabilis est mi-  
sericordia, nos in gratiam recipiat, ita ut li-  
berrimus nunc ad eum nobis pateat accessus,  
qui per ac propter Filium suum, nos vera eum  
fide inuocantes, clementer exaudiat, sicuti die  
crastina, fauente Deo, audituri sumus copiosius.*

C

3

CON-



## CONCIO TERTIÆ

Diet.

Psalm. 61.



Exaudi DEVS clamorem meum intende orationi meæ.

A finibus terræ, ad te clamaui, dum anxiaretur cor meum, in petram excelsam deduc me.

Quia factus es spes mea, turris fortitudinis contra inimicos.

In habitabo in tabernaculo tuo in secula sperabo in velamento alarum tuarum.

Quoniam tu Deus exaudisti orationem meam, dedisti hæreditatem timentium nomen tuum.

Dies super dies Regi adijcies, annos eius vsq; in diem generationis & generationis.

Permaneat in æternum in conspectu Dei, misericordiam & veritatem para, quæ custodiant illum.

Sic Psalmum dicam nomini tuo in seculum seculi, vt reddam vota mea de die in diem.

ENAR-



## ENARRATIO.



*Proposita sunt proximis superioribus diebus, duæ insignes con-  
 ciones, in quibus Oseas, veluti  
 in speculo, tum grauißimam  
 iram Dei aduersus peccatum,  
 tum immensam & inexhaustam eiusdem mi-  
 sericordiam, erga omnes verè pœnitentes,  
 conspiciendam proponit. Hac tam seria & gra-  
 ui doctrina commonefacti, exuscitemus nos,  
 ut agnitis multiplicibus sordibus nostris, ve-  
 rè doleamus de commissis peccatis, & metua-  
 mus iustissimas iræ Diuinæ pœnas, quas pec-  
 cata nostra meruerunt: Neq; tamen despere-  
 mus, vel ob peccatorum multitudinem, vel  
 ob iræ Diuinæ magnitudinem: sed renuncian-  
 tes omnibus peccatis, verà pœnitentia ad De-  
 um accedamus, qui instar benignæ matris, om-  
 nes sordes nostras, precioso sanguine filij sui ab-  
 luet, nosq; in gratiam recipiet, & in quibus-  
 cunq; periculis ipsum inuocantes, clementer ex-  
 audiet, sicuti regius Propheta David, suo ex-  
 emplo, in hoc breui Psalmo, euidenter decla-  
 rat, quem docendi gratia in tres partes diui-  
 demus.*

*I. Ostendit quænam in omni inuocatione,  
 præcipue sunt necessaria.*

C

4

Docet



2. Docet, Reges & gubernatores piorum precibus, Deo commendandos esse, & quid potissimum à Deo pro ipsis petendum sit.

3. Continet gratiarum actionem.

## DE PRIMA

Parte.

Exaudi Deus clamorem meum &c.

In hac prima parte Psalmi, quinque primis versiculis comprehensa, tria potissimum occurrunt, quæ in vera inuocatione requiruntur.

PRIMUM, est perseverantia in precando. Licet enim Deus interdum non statim exaudiat inuocantes, sed differat aliquandiu auxilium: tamen mox desperandum non est de auxilio Diuino, neque ab inuocatione desistendum: sed magis exuscitandi sunt animi, ad frequenter & euidenter orandum, sicuti hic Dauid aliquoties repetit precationem, verbis aliquantulum mutatis, & eo quidem feruore, ut etiam in clamorem erumpat. Licet enim precantes, plerumque submisse loquantur, & clamor interdum magis sit in corde, quam in ore precantis, etiam cum vel ardentissima est precatio, sicuti testantur exempla Annæ, 1. Sam. 1. & Moysi, Exod. 14. Tamen ubi magnis



gnis & subitis periculis urgentur, precatio interdum fit ita vehemens ut etiam vocem attollant, & vociferentur, quemadmodum David, hic & alibi passim in Psalmis, precatur ut Deus clamorem suum exaudiat, & hic dicit se à finibus terræ, in quibus, à filio, regno pulsus, tristis & gravissimis doloribus obrutus oberravit, ardentissimè ad Deum clamaſſe, ut eius solius ope & auxilio, seuitia & persecutione hostium tutus conſervaretur, non aliter ac si in altissima rupe, omni vi humana inaccessa collocatus esset.

In hoc Davidis exemplum intuentes, discamus forti & infracto animo, in ardente inuocatione perseverare, certa spe & fiducia expectantes auxilium diuinum, quod licet interdum differatur, nunquam tamen aufertur, sicuti monet Abac: cap. 3. Si moram fecerit, expecta eum, quia veniens veniet, & non tardabit. Et Christus ipse, hanc perseverantiam in precando, pijs omnibus commendat, Lucæ 18. Est enim vis Deo grata, quando precibus piorum, quasi vulnis constrictus, captivus teneatur, sicuti testatur, narratio de Deo & Moyſe. Exod. 32.

SECUNDVM, quod in vera inuocatione requiritur, est ut ea ad solum Deum.

C S qui-



quibuscunq; tandem ingruentibus periculis, etiam ubi nulla apparent humana præsidia, dirigatur, quemadmodum ipse præcipit, Psal. 50. Inuoca me in die tribulationis tuæ &c. Et exemplum pijsimi Regis Iosaphat testatur 2. Paral. 20. Qui autem, urgente aliqua necessitate, aliò confugiunt grauissimè Deum offendunt, sicuti in hesternâ concione dictum est pluribus.

**TERTIVM**, quod in vera inuocatione requiritur, est certa spes seu fiducia, qua inuocantes, toti in hunc Deum recumbant, eiusq; opem & auxilium, absq; ulla dubitatione, certò petant atq; expectent, sicuti hic loquitur David. Quia factus es spes mea. Ne autem hæc spes vacillet, sed certa sit & firma, obseruanda sunt pulcherrimæ similitudines, quibus David spei suæ certitudinem declarat, ut & nos inuocantes, ysdem spem nostram confirmemus.

**PRIMA** similitudo sumitur à turri. Sicuti enim turris facilè tuetur aliquem ab incursionibus hostium: Ita qui ardente precatione ad Deum confugiunt, fortiter & intrepidè, insultus hostium sustinent: Turris enim Fortissima nomen Domini, Prouerb. 18.

**ALTE**



*ALTE*RA similitudo sumitur à tabernaculo. Quemad: enim qui in tabernaculum magni alicuius principis recipiuntur, ab aliorum iniuria tuti conseruantur: Ita quos Deus in suam tutelam recipit, ab aduersariorum iniusta vi & violentia potenter tuetur.

*TERTIA* similitudo sumitur à velamento alarum, quā similitudine sæpe utitur David in Psalmis, veluti, 17. Sub umbra alarum tuarum protege me. 57. Et in umbra alarum tuarum sperabo. Et 91. Qui habitat in abdito altissimi, & in umbra Omnipotentis commoratur. Hac similitudo, cuius etiam in hesternā concione Propheta meminit, omnium est dulcissima, Quemadmodum enim pulli, latitantes sub alis gallinæ, conseruantur, ne eos vel imbres vel frigora, vel aues ipsi insidiantes, lædant: Ita Deus omnes ad se confugientes, diuina sua protectione, à quibuscunq; periculis immunes conseruat. Hac similitudine Christus ipse delectatus est. Matth. 23. Quæ diuinam sollicitudinem ac protectionem omnium eidentissimè pingit.

Quod



Quod sequitur in quinto versu : Quoniam tu Deus exaudisti orationem meam &c. Ostendit Dauidem, memoria præteritorum beneficiorum, à Deo perceptorum, spem suam confirmasse, ut non aliter sibi de felici liberatione à præsentibus periculis gratularetur, quam si illa iam contigisset. Nihil enim hominem ad benè sperandum de auxilio Dei, magis inuitat, quam superiorum beneficiorum recordatio. Ea autem beneficia, nominat Dauid hæreditatem timentium nomen Dei, hoc est, piorum omnium, quorum ea hæreditas est propria: Vera scilicet Dei agnitio, veræ doctrinæ possessio, læticia in Deo acquiescens, & spes futuræ vitæ. Hæc tanta tamq̃ incomparabilia bona, quæ antea à Deo perceperat, confirmant animum Dauidis, de auxilio diuino, certa spe atq̃ fiducia, in posterum quoq̃ expectando. Discamus igitur, hoc Dauidis exemplo moniti, inter precandum, priora Dei beneficia in memoriam reuocare, ut eorum recordatione, de alijs similiter impetrandis, spem nostram confirmemus.

## DE SECUNDA

### Parte.

Dies super dies regi adijcies, annos eius vsq̃ in diem generationis & generationis,

Perma

dito  
gist  
ab  
cio  
Pa  
tati  
fian  
om  
à D  
uid

reg  
nut  
con  
diu  
ita  
ad  
cul  
pro  
aut  
ger  
uid  
cui



Quo-  
m &c.  
um be-  
suam  
libera-  
retur,  
homi-  
magis  
recor-  
uid hæ-  
t, pio-  
st pro-  
doctri-  
is, &  
mpara-  
t, con-  
diuino,  
expe-  
exem-  
Dei be-  
um re-  
is, spem

Permane-  
at in æternum in conspe-  
ctu Dei, misericordiam & veritatem  
para, quæ custodiant illum.

*Secunda pars Psalmi docet piorum sub-  
ditorum esse, diligenter apud Deum, pro ma-  
gistratu preces fundere, qui Dei minister est,  
ab ipso ordinatus, Rom. 13. & cuius benefi-  
cio, plurima bona ad subditos redeunt, quæ  
Paulus recenset 1. Tim. 2. Ideoq; seriò exhor-  
tatur, ut petitiones & gratiarum actiones,  
fiant pro omnibus hominibus, pro regibus &  
omnibus qui præsent. Quæ autem præcipue  
à Deo pro ipsis petenda sint, breuiter hic à Da-  
uide indicantur.*

*Primum igitur rogandus est Deus, ut  
reges & gubernatores, qui hospites sunt &  
nutritij Ecclesiæ, diu incolumes & florentes  
conseruet, eorumq; gubernationem sælicem &  
diuturnam reddat: Nam, ut in alijs rebus,  
ita quoq; in regnorum & aliorum officiorum  
administratione omnis plerumq; mutatio, peri-  
culosa esse solet, quemadmodum & sacræ &  
profanæ historiæ luculenter testantur. Quod  
autem hic dicitur: Annos eius usq; in diem  
generationis & generationis, non de ipso Da-  
uide, sed de eius posteritate, & ipso Christo,  
cuius typus erat Dauid, intelligendum est.*  
Nam



Nam David, & si ad extremam senectutem  
peruenit, mortuus anno ætatis 71. Vt scri-  
bitur, 2. Sam. 5. Tamen non excessit unius  
hominis ætatem, nedum plures generationes:  
referendum igitur hoc est ad eius posterita-  
tem, apud quam, iuxta promissionem Da-  
uidi factam, 2. Sam. 7. mansit regia digni-  
tas, usq; ad Messiam, ex Davidis semine  
oriundum, qui adueniens nouum regnum  
esset inchoaturus, duraturum à generatione  
in generationem, hoc est, in omnem æterni-  
tatem, cuius nullus unquam futurus esset fi-  
nis. Lucæ 1.

Deinde rogandus est Deus, ut pios re-  
ges, & quoscunq; gubernatores, ita regat in  
vita & vocatione, ut cogitent se habere  
Deum, præsentem omnium suarum actio-  
num inspectorem, cui tanquam supremo ac  
summo magistratui, officij administrati ra-  
tionem aliquando reddituri sunt. Quia ve-  
rò conspectus, seu facies Dei in scriptura,  
etiam diligentem inspectionem, curam pater-  
nam & defensionem significat, monemur hac  
ipsa precatione, rogandum esse Deum, ut  
pios gubernatores clemente & benigna facie  
aspiciat, hoc est, eorum curam suscipiat,  
foueat,

fou  
ini  
vir  
pri  
ut  
uit  
ma  
sua  
car  
dir  
ben  
inc  
vig  
ad  
sali

tia  
ins  
pos  
ma  
um  
tur  
fidi  
ta  
pio



foueat , tueatur atq; defendat eos , aduersus  
iniustam vim & varia pericula , armet eos  
virtute & successibus , ne a suis hostibus op-  
primantur , adiuuet eorum gubernationem ,  
ut subditis salutaris sit & Deo grata : bre-  
uiter , oculo suo eos regat , iuxta dulcissi-  
mam promissionem , Psalm. 32. Vt in tota  
sua gubernatione , Deum , cuius ipsi sunt vi-  
cary , in conspectu habeant , utq; omnia eo  
dirigantur , ut vera doctrina de Deo eiusq;  
beneficijs , sonet in Ecclesijs , utq; ea pura &  
incorrupta , ad posteros transmittatur : ut  
vigeant honestæ leges & disciplina : omniaq;  
ad Dei gloriam , & communem subditorum  
salutem & utilitatem referantur.

Postremo , quia reges & qui in eminen-  
tia aliqua sunt constituti , multis ac varijs  
insidijs , omni momento , præ alijs , sunt ex-  
positi , quæ nulla sapientia aut diligentia hu-  
mana vitari possunt , sicut multarum illustri-  
um personarum exempla , etiam hodiè testan-  
tur , quæ mirabiliter ab aduersariorum in-  
sidijs , singulari Dei bonitate detectis , serua-  
tæ sunt : diligenter rogandus est Deus , ut  
pios reges , & gubernatores , propter suam  
mise-



miserecordiam, & suarum promissionum veritatem, in suam tutelam recipiat, eosq; ab omnibus insidijs, & fraudulentis hostium suorum machinationibus, clementer tueatur atq; defendat.

Cum autem hoc ipsum, etiam ad regum & gubernatorum personas, merito referri debeat, nimirum ut & ipsi, misericordes sint & veraces: non minus & hoc assiduis precibus, à Deo contendendum est, ut reges & gubernatores hisce virtutibus instruat, quæ sunt præcipue eorum ornamenta. Non exercebunt iniustam vim & tyrannidem adversus subditos: sed eos paterno amore complectentur, tuebuntur & defendent. Non debent esse vani, sed veraces, servantes fidem & constantiam in promissis. Non decet Principem labium mendax, inquit Salomon, Prouerb. 17. Hæ virtutes maxime commendant reges, & omnes gubernatores: animos subditorum ipsis facillime conciliant, & firmissima regum & regnorum præsidia sunt, sicut testatur Salomon, Prouerb. 20. Misericordia & veritas custodiunt regem, & misericordia stabilitur thronus eius.

## DE TERTIA

Parte.

Sic



Sic Psalmum dicam nomini tuo  
in seculum seculi, vt reddam vota  
mea de die in diem.

*Epilogus Psalmi*, commonefacit nos,  
vt exemplo *Dauidis*, grati simus Deo, pro  
præstitis beneficijs. Est enim gratiarum actio,  
præcipuus cultus, quem requirit Deus ab ijs,  
quibus benefecit, sicuti ipse præcipit, *Psalm*:  
50. Inuoca me in die tribulationis tuæ, eripi-  
am te, & glorificabis me. Vtrunq; vult Deus,  
& inuocari tempore tribulationis, & agnosci  
sua beneficia, eaq; grata semper memoria cele-  
brari, quemad: etiam hoc loco *Dauid*, ad Dei  
laudes, quæ per vota intelliguntur, sine ulla  
intermissione deprædicandas, sese astringit.

Hoc *Dauidis* exemplum etiam nos exci-  
tet, vt agnitis plurimis ac maximis beneficijs,  
quibus assatim à Deo quotidie cumulamur pro  
ijs dignas gratias Deo agamus.

Ac primò quidem agnoscamus singula-  
re & maximum Dei beneficium, quòd lucem  
*Euangelij sui*, in hisce regnis & Ducatibus ac-  
cenderit, & in tantis dissidijs, docentes atq; di-  
scientes in *Ecclesijs* & *Scholis*, in vera concordia  
hactenus conseruarit, pro hoc tanto tamq; im-  
menso Dei beneficio, gratias agamus Deo,  
eumq; serio & ardentè precemur, vt tantum  
bonum, perpetuum in hisce regnis & Ducatibus  
D  
esse



esse velit, utq̃ Ecclesiam suam, aduersus Diabolum eiusq̃ organa, quæ eam funditus delere conantur, potenter tueatur, defendat, conseruet.

Deinde agnoscamus præcipuum Dei donum esse, Regem & Principes tam pios & clementes, hisce regnis & Ducatibus a Deo datos, qui omnem curam, diligentiam & studium in eo ponunt, ut vera de Deo doctrina, in hisce regnis Ducatibus & prouincijs, purè ac synce-  
rè tradatur: ut vigeant honestarum artium ac disciplinarum studia: ut docentibus in Ecclesijs & Scholis, honestis stipendijs prospiciatur, & discipulorum inopia, liberali & rege digna elemosyna subleuetur: ut seruentur honestæ leges & iusta disciplina: ut retineatur publica pax & tranquillitas: ut subditorum animos, beneuolentia & fauore, magis quàm metu sibi conciliet: Hoc singulare Dei donum grati agnoscamus, & ueris cordis gemitibus Deum oremus, ut eius Maiestatem, cum illustrissimis Principibus nostris, in tantis bellorum motibus, ac rerum penè omnium statu turbulentissimo, diu incolumem & florentem conseruet, eamq̃ ab omnibus aduersariorum insidijs clementer tueatur, donec tandem in placida & quieta senectate regnorum administratione, optimæ ac ueræ regie in-



giæ indolis filio, Christiano, tradita, lætus ex  
terreno hoc, in cœleste illud regnum emigret.

Hec & alia innumera Dei beneficia, gra-  
ta mente agnoscamus, & Deum toto pectore  
oremus, ut senerissimam Reginam nostram, re-  
giamq; sobolem, cum illustrissimis Principibus  
nostris &, cum amplissimo totius regni ac Du-  
catuum Senatu, ac florentissima horum regno-  
rum & Ducatum nobilitate, omnibusq; inco-  
lis & subditis, quam diutissimè in incolumi &  
fœlici statu conseruet: Auertat ab hisce regnis  
bellum, famem, pestem & quæcunq; alia mala,  
peccatis nostris debita. Mitiget præsentis & im-  
minentes pœnas, quas iustissima ira Dei nobis  
miuari videtur, ut in vero Dei timore, iugu-  
latis omnibus peccatis, pacificè & tranquillè  
viuentes, Diuinis benedictionibus læti ac gratis  
animis fruamur, Deumq; Patrem cum Filio  
& Spiritu Sancto, hic & in futura vita, per-  
petuis laudibus celebremus, A M E N.

ORDINATIO PRECA-  
tionum, Epistolarum & Euangeliorum, quæ  
singulis Diebus recitabuntur.

PRIMAE DIEI

Precatio


sue

COLLECTA.

D 2

W




 Ch du gnedige vñ Barmhertige Godt  
 vnd Vader. Wy armen Menschen ka-  
 men vor dyn Angesichte vnd bekennen  
 van gauzem Hertzen. vnse veelfoldige  
 Sünde/ womit wy dy vortörnet vnd erwecket  
 hebben. dinen rechtfertigen Thorn/wrake vnd  
 straffe auer vns. Wy bidden dy demödichlick /  
 Oh gnedige Vader / dat du mit vns nicht wil-  
 lest ins Gerichte gahn. mit vns ock nicht na  
 vnser Sünden vnd diner strengen Rechtfert-  
 dichheit handeln / Sondern willest dy gnedich-  
 lick auer vns erbarmen / vnd midden in dinem  
 Thorn / an diner vederliken gnade vnd Barm-  
 hertichheit gedencen / darmit wy nicht entliken  
 vorderuen mochten / Da willest vns alle vnse  
 Sünde gnedichlick vorgeuen / Vnd help vns  
 vormiddelt dinem hilligen Geiste/ dat wy van  
 Sünden vnd bößheit mögen affstahn/ vnd vns  
 alletydt na dinem willen vnd befehl iegen Gott  
 vnd Menschen schicken. dat wy mögen geneten  
 diner guden Gauen vnd Benedyunge / beide  
 tho Water vnd Lande. Vnd also entliken mit  
 dy salich blyuen / dorch dinen Einigen / vnd  
 allerleuesten Sone Ihesum Christum vnsern  
 Zeren. **A M E N.**

LOCO EPISTOLAE,

Osee 4.


Audite verbum Domini &c.

EVANG: Lucae 3.

Initium. Dicebat ergo ad turbas.

Finis. Omnis ergo arbor.

**S E**

  
 he  
 gro  
 uol  
 dor  
 gro  
 bid  
 ten  
 wy  
 din  
 we  
 den  
 like  
 als  
 ten  
 der  
 gen  
 leu  
 len



SECVNDAE DIEI  
Collecta.

**D** Lmechtige Ewige Barmhertige Godt/  
vnd gnedige Vader / de du so gnedich  
vnd Barmhertich bist / dat du nicht wils  
lest einiges Sünders Dodt / sonder dat  
he sich bekere vnd leue / Wy bekenen vnsern  
groten ongehorsam / vnd andere vnser veels  
uoldige auertredinge vnd Mishandelingē / wor  
dorch wy van diner gnaden / vnd vnder dinen  
groten rechtuerdigen Thoren gefallen syn. Wy  
bidden dy o gnedige Vader / dat du vnse Hers  
ten mit dinem hilligen Geiste willest rören / dat  
wy vns möchten fruchten / vor der grimmichheit  
dines Tornes / vnd ernstlick vordreth vnd leth  
wesen hebben / auer vnse menichuoldige Sün  
den. Bekere vns tho dy / vnd betere vnse sünde  
like Leuen / dat wy dy alle tydt gehorsamen /  
als vnsem leuen Vader / dat wy in dinem frucht  
ten leuen / vnd diner gude Gōdliken vnd Ver  
derliken Gauen / beide Geistlick vnd Lyslick  
geneten mögen / Vmme dines Einigen vnd ges  
leueden Sōns Jesu Christi vnseres Hēren wils  
len. **AMEN.**

LOCO EPISTOLAE

Osæ 14.

Deuastabitur. Samaria &c.

EVANG: Lucæ 13.

Initium. Aderant autem quidam.

Finis. Omnes similiter peribitis.

TER



T E R T I A E   D I E I  
Collecta.

**E**wiger gnediger vnd Barmhertiger  
Gott / allerleyſte Vater / Wy dan-  
ken dy dat du dorch dine vruthſpreck-  
like Gädicheit / hefft begauet / diſſe  
Ryke / Fürſtendöme vnd Lande / mit dinem  
Suligen Salichmakenden Worde / vnd Chriſt-  
liken Götſchächtigen Auericheden / vnd mit  
velen andern dinen vruthſpreckliken / veeluo-  
digen Gauen vnd Woldaden / ſo du vns noch  
dageliken bewyſeſt. Wy bidden dy demödi-  
lich. O gnedige Vater / du willeſt nicht vmme  
vns groten vndanckbarheit willen. ſolcke di-  
ne Gauen vnd Segen van vns nemen. ſonder  
dorch dine Vederlike gädicheit gnedichlich be-  
waren vnd vormehren. Du willeſt dyn Hilli-  
geſt Salichmakendes Wordt / vnd dines Wort  
des Dener in Chriſtliker einicheit / vnd gemein-  
ſchop gnedichlich erholden. Du willeſt gnedich-  
lich anſehn / vnſern gnedigen König. König  
Friedrichen / Vnd vnſern G. Fürſt. vnd Heren  
Herzogen Friedrichen / tho ſampt S. F. G.  
Frow Moder / Heren Gebrödern vnd Schwe-  
ſtern / vnd ſe alle erholden. dorch dine Götli-  
ke beſchüttunge vnd beſcherminge / Du willeſt  
E. König: Mayt: vnd S. G. begauen / mit  
Wyſheit vnd Vorſtandt / vnd allen anderen  
Könckliken vnd Fürſtliken dögenden / Du wil-  
leſt ock gnedichlich bewaren. de Dörchlüchti-  
geſte Hochgebarne Fürſtin / vnd Frow Kön-  
gin Sophia. Den Jungen erwelten Heren / vnd  
de andern E. Mayt. leuen Kindere / Vnd ock  
de

de  
Frow  
der  
ren  
Dem  
Red  
Sol  
vnd  
dan  
beſ  
cke  
zur  
vor  
Du  
nes  
Gn  
G.  
ges  
mit  
dan  
Le  
het  
leu  
wil



de Dörchlüchtige Hochgebarne Fürstinnen vnd  
 Frouwen / Herzoginnen Christina ihosampt  
 der Jungen Herrschop vnsern G. F. vnd Her-  
 ren / Fürstinnen vnd Frewlin / Dat se mit allen  
 Dennemarchischen vnd Norwegischen Rykes  
 Reden / ock der Fürstendomen Schleswig vnd  
 Holstein etc. Reden / sampt allen vnm Adel /  
 vnd allen Christliken Auericheiden vnd Vnder-  
 danen / dorch dine Götliche beschüttinge vnd  
 bescherminge vor allem schaden vnd vngelüs-  
 tke / vor Trych vnd Vprror / vor Pestilenz /  
 Hunger vnd därer tydt / vnd alle andere vollen  
 vordenede straffe gnedichlich behödet werden /  
 Du wildest alle ere Anflege vnd Rede / tho di-  
 nes Namens ehre regeren / Du wildest vnserm  
 Gnedigsten Herren vnd Könige / ock vnserm  
 G. F. vnd Herren / ein landwerdiges gelückseli-  
 ges vnd fredefames Regiment geben / Dat wy  
 mit allen E. Kön. Mayt. vnd G. G. Vnder-  
 danen / in einem rüwuliken vnd fredefamen  
 Leuende / in aller Gotsalicheit vnd Ehrbarr-  
 heit leuen mögen / Vmme dines Eingebaren  
 leuesten Sönes / Jesu Christi vnseres Herren  
 willen / AMEN.

# LOCO EPISTOLAE,

Psalms: 61.

Exaudi Deus clamorem meum &c.

EVANG: Lucæ 18.

Initium. Dicebat autem & para-  
 bolam.

Finis. Quia citò faciet vindi-  
 ctam eorum.



*A 3. Facie 1. Linea 26. Post vocem  
elementissimus addantur hæc verba.  
nec non Illustrissimus Princeps noster.  
Item eadem, lege, intuentes.  
Linea 27. lege afficiuntur.  
Facie 2. linea 2. pro eius lege, eorum.  
pro agnoscit lege agnoscunt.  
Linea 6. lege ordinauerunt.  
Linea 8. post vocem Regnum adde &  
Ducatus.  
Linea 12. Post vocem Regis adde ac  
Ducis.*





tem  
a u  
ter.  
n.



